

四庫全書

史部

欽定四庫全書

史部

皇朝文獻通考卷十七

內閣中書_臣實汝翼覆勘

總校官中書_臣孫溶

欽定四庫全書

皇朝文獻通考卷十七

錢幣考

五

乾隆十一年議以貴州餘鉛運至湖廣漢口令各省收買以供鼓鑄貴州總督張廣泗奏言黔省威寧州水城廳等處開採白鉛出產旺盛歲自辦解京局正耗鉛四百數十萬觔之外本省鼓鑄及川省收買又約需一百萬觔計多餘鉛三百萬觔但

礦廠衰旺不常請每年額外預辦二百萬觔存貯以備接濟尚有百萬餘觔動藩庫公項銀儘數收買運至四川之永寧下船抵赴漢口發賣以供江浙等省錢局採辦之用大學士等議如所請從之臣等謹按黔省各船廠於乾隆四年議定二八抽課外餘鉛以一半官收一半聽廠民自售九年復以廠民未能廣為售銷定餘鉛全數官為收買自九年以後新開各廠皆照此辦理是年復以鉛觔

積產滋盛奏定運往漢口之例至十三年以礦產
更旺除解京及黔蜀供鑄并存貯二百萬觔運往
湖廣一百萬觔外每年又餘白鉛五百萬觔戶部
議各省見俱開鑄需鉛甚多令仍動項收買添運
至漢口發賣並將鉛本脚費核定價直行知各省
畫一買用尋議定撥蓮花廠鉛二百萬觔福集廠
鉛一百三十萬觔萬福山廠鉛一百三十萬觔濟
川廠鉛二十萬觔天星廠鉛二十萬觔共為五百

萬觔各廠工本原有多寡不同均勻配算每百斤
廠價一兩四錢八分加以水陸運腳以價銀三兩
六錢六釐銷售所售之銀即抵還工本十四年以
直隸江蘇浙江福建江西湖北等處每年採買白
鉛止約用二百萬觔無需五百萬觔之多復議定
歲以二百萬觔運至漢口合之前議解京各項約
需九百餘萬觔之數黔省歲產鉛一千四百餘萬
觔除抽課外餘鉛仍半歸官買半聽商賣儘足敷

用嗣後至二十四年復以每年收買廠鉛積存福集等廠者二千餘萬觔積存瑪姑廠者三千餘萬觔壅滯不銷久懸帑本若概由川江至楚恐致擁擠京鉛議開濬省城至平越府河道徑由黔省水程直達湖廣陸續分運鉛觔仍赴漢口發賣通商其柞子廠黑鉛積存亦多並一體發運

又增四川寶川局爐座鑄錢運往陝西先是四川於乾隆七年以寶川局銅鉛俱係赴滇黔採買路

遠費重奏請開採建昌地方之會理州冕寧縣等處銅礦是時錢局已專用川銅十年復開樂山縣等處銅礦議定二八抽課外餘銅半歸官買以供鼓鑄各廠歲可獲銅一百餘萬觔至是總督慶復會同巡撫紀山奏言川銅漸盛多所盈餘而陝省素不產銅制錢日貴欲籌轉移以濟民困請於寶川局再增爐十五座共為三十座歲可添錢六萬二千二百串有奇以一半增搭本省兵餉作為銀

八錢二之數所餘三萬一千二百串撥運至陝省
搭放兵丁月餉仍易銀歸款實為彼此有益戶部
議如所請從之

臣等謹按寶川局額用銅觔採自會理州之迤北
沙溝二廠冕寧縣之紫古喇廠者每百觔定價銀
九兩採自樂山縣之老銅溝廠者每百觔定價銀
十兩其白黑鉛皆由貴州採買至十九年以後以
酉陽州鉛廠試採有效議定除抽課外半歸官買

每百觔給價銀二兩二錢配搭黔鉛供鑄

又定給工部錢法堂關防工部侍郎三和奏言寶源局所辦事宜與寶泉局相倣見在兩局監督俱給有分司關防惟工部錢法堂向未議給請照例一體補給庶文移稽核各專責成尋議定寶泉局錢法堂印文係督理京省錢法關防今寶源局錢法堂應鑄工部督理京省錢法關防以昭畫一十二年增湖北寶武局爐座令仍鼓鑄大錢先是

十一年以高低二項滇銅將次用完滇省各廠不敷採買銅筋無從接濟未便停爐請收買漢口鎮商銅改鑄每文重八分之小錢仍照大錢之價配餉既以節省局銅且可冀除盜銷之弊部議令試行一年至是湖廣總督塞楞額奏言官局改鑄小錢與大制錢同價計其工料毀大制錢二千即可鑄小錢三千盜銷與私鑄弊且相因而起應循照定制仍鑄每文重一錢二分之大錢至所鑄錢文

向止議配兵餉每銀百兩搭錢六串五百文各營散錢有限亦不足以平市價近日漢口商販銅觔甚多若預行給價按月交銅每年買銅四十萬觔配入鉛錫尚可增爐五座為二十座鑄錢除增搭兵餉之外發交江夏漢陽二縣設立官局按照市價酌減出易於兵民均有裨益俟委員辦運滇銅及官商分交洋銅到日仍搭配鼓鑄戶部議如所請從之

臣等謹按嗣後以滇洋之銅陸續解到即議定錢局額銅四十萬觔將滇銅洋銅及漢口商銅均勻配鑄各十三萬三千三百餘觔後以商交洋銅漸次減額於十九年以後歲增買湖南銅十萬觔以補洋銅之不足至二十七年戶部以漢口銅價在十八兩之外較該省所辦雲南大興廠銅定價十一兩金釵廠銅定價九兩者數目懸殊令添用滇銅以節糜費尋滇省議撥寧台山廠毛銅加耗煎

鍊揭成淨銅合計每百觔祇需價六兩五分有奇
令湖北採買應用嗣是停配漢口銅

十三年復開山西寶晉局鼓鑄先是以山西錢價
昂貴

特諭晉省巡撫將鼓鑄用銅之處悉心籌議尋以購用
銅觔惟有招商承辦議定照從前官商辦銅完帑
之例支銷價直并行知各關免其納稅至是以商
人辦到紅銅五十萬觔并委員採買漢口鉛錫巡

撫準奏請復開寶晉局設爐十座每年開鑄十二卯用銅鉛錫三十四萬八千觔鑄青錢四萬二千三百二十四串除去工價等項實存三萬五千一百七十五串於配給兵餉之外並隨時減價平賣以資民用戶部議如所請從之

又更定雲南辦銅分路起運之例雲貴總督張允隨奏言滇省辦運京銅先經議定由尋甸東川兩處陸路運至永寧交長運官由水路接運至京尋

甸威寧一路每年運正耗餘銅三百十六萬五千
餘觔每百觔需腳價銀二兩六錢有奇東川昭通
一路每年運正耗餘銅三百十六萬五千餘觔每
百觔需腳價銀二兩五錢有奇後因昭通一路係
新闢苗疆馬匹雇募不敷已奏開鹽井渡河道將
東川額運銅內酌分一半改由鹽井渡水運至瀘
州每百觔較昭通陸路節省銀三錢二分有奇復
因威寧一路與黔鉛同運馬匹仍屬不敷奏開羅

星渡河道將尋甸額運銅內酌分一半改由羅星渡水運至瀘州每百觔較威寧陸路節省銀一錢八分有奇嗣後自尋甸東川以下遂分為四路每路各運銅一百五十八萬二千餘斤歷年辦運無誤見在滇省開修金沙江直通四川已疏濬完工舟行無阻請將威寧一路陸運銅觔改由金沙江之小江口水運至瀘州交長運官轉運京局較之陸運每百觔節省銀七錢二分有奇俟將來船隻

日增再將昭通一路陸運銅觔悉改由水運戶部
議如所請從之

又開陝西鼓鑄局陝西巡撫陳宏謀奏言陝省錢
價日昂前經部派官商辦交洋銅三十萬觔見已
運到其黑鉛一項業經在本省開採所需白鉛點
錫已委員赴漢口採買請開局於省城西安府設
爐十座錢幕滿文鑄寶陝二字每年開鑄二十四
卯用銅鉛錫六十萬觔鑄青錢七萬二千八百串

除去工價等項實存六萬二千餘串至本省配給兵餉已有四川每歲協濟錢文向定每百兩搭錢四串仍照舊例辦理其所鑄新錢應設局聽民易換以平市價戶部議如所請從之

十四年停雲南撥運廣西錢減省城及臨安府局爐座雲南總督張允隨奏言滇省歲運粵錢六萬二千串前於乾隆七年粵西已請開局以錢文尚未充裕仍撥滇錢近年以來馱運艱難官民多累

且粵西開鑄已久制錢諒已流通請將運粵錢即行停止至停運之後雲南鑄額尚可酌減應於省城局減爐十座存留二十五座臨安府局減爐八座存留八座每年已可敷用戶部議如所請從之又禁南洋商船私販銅器浙江巡撫方觀承奏言南洋自雍正五年開禁以來商民皆得前往市易而紅黃銅與銅器皆不在禁例緣南洋地不產銅各船販往者甚多查各省鼓鑄以銅觔為急務見

在東洋之銅運歸內地者甚難不應獨任南洋為漏卮請通行查禁經戶部議定凡商船有將紅黃銅器私販至南洋圖利者百觔以下為首者杖一百徒三年百觔以上發邊遠充軍為從及船戶各減一等治罪貨物銅器皆入官各關汛文武官弁不行搜查挈報者革職賄縱者計贓從重論失於覺察者降一級調用

又令廣東寶廣局增額鼓鑄廣東巡撫岳濬奏言

粵東各礦出銅有限而外洋夷船載至者亦少惟有取給滇銅見在已辦回湯丹廠金釵廠銅共四十萬觔請加辦鉛錫不必再添爐座每年按原定之卯加倍鑄錢以湯丹金釵二廠銅各半配用從前各鎮協營兵餉未經搭錢者一例配給戶部議如所請從之

臣等謹按嗣後寶廣局以收買洋銅議於十分中以湯丹廠銅五分金釵廠銅二分洋銅三分配鑄

至二十一年以後復改大銅廠與金釵廠銅對搭分買

又奉

上諭刑部議奏叅革雲南解銅官吳興遠等虧缺銅觔一案該解官等始以湯不經心致銅觔沈失侵損迨撈獲纔及得半輒以全獲呈報復於沿途將銅觔輾轉售賣玩視官物一至於此即此一案虧缺銅七萬有餘其他侵蝕之案更不知凡幾向來劣員侵漁之

習大率類是該上司或明知而姑聽之俾得任意欺
朦釀成積弊但已往之事姑不必問此案該督撫不
能慎選賢員辦理不善著傳旨申飭其所有侵虧銅
觔銀兩部議該管上司按股分賠著即勒限完繳以
資鼓鑄仍將如何分賠抵補之處具摺奏聞嗣後運
銅事宜務須加意慎重其沿途經過各省督撫朕已
傳諭令其將委員守風守凍及有無事故之處奏聞
至銅鉛船隻於雲貴省起運何日出境亦著該督撫

隨時摺奏如仍蹈前轍濫行差委致有前項情弊惟該督撫是問

又奉

上諭雲貴運送銅鉛一事辦理日久諸弊叢生經朕於營私虧缺之委員嚴加懲處並令該部詳議定例沿途督撫自當實力遵辦但向來銅鉛運京原有定例委員往往逾違及至抵京交部又復掛欠纍纍總由委員捏報事故所至停滯以便作弊而各該省督撫

以事不關已雖有催趲之例不過行文查報了事遂至委員任意朦混肆無忌憚不思銅鉛有資鼓鑄本屬公事凡運送船隻由該省起程於何日出境之處已傳諭雲貴督撫奏報其沿途經過各省分督撫大吏均有地方之責雲貴督撫既鞭長莫及而各該督撫復視同膜外殊非急公之道嗣後銅鉛船隻過境出境日期及委員到境有無事故並守風守凍緣由俱應詳查明確隨時具摺奏聞一面飭屬督催毋令

仍蹈前轍至運送官物其小者仍照常辦理他省餉
鞘木植之類悉宜留心查催不得任其遲滯致滋弊
端著一併傳諭各督撫知之

臣等謹按嗣後雲貴運解銅鉛經戶部定議抵通
程限並嚴定逾限處分至領運各官起運日期及
沿途過境出境有無事故逗留直省督撫俱遵例
隨時督催奏報

又定京局黑鉛盡歸湖南辦解戶部議言京局額

用黑鉛自湖南協解以來黔省止辦四十萬五百七十一觔近因礮硃漸空仍不敷額數惟楚省各廠歲產黑鉛百萬餘觔除撥協三十萬觔之外尚多盈餘應盡歸湖南辦運至該省從前協解之時係運赴漢口交黔員帶運交局今既全數承辦應分上下兩運委員解京從之尋復議定每百觔價銀三兩六錢自湖南運京水脚銀一兩歲以為例

臣等謹按湖南桂陽州郴州鉛廠自乾隆七年以

後復行開採是年增定解京黑鉛之額逮二十九年停開郴州礦廠其額鉛全歸桂陽辦運至於各廠所產亦有白鉛點錫以供本省鼓鑄惟白鉛一項後以出產漸微歲向貴州廣西及漢口等處採買應用

又增廣西寶桂局爐座先是十一年以粵西廠銅所出有限議歲買滇銅十五萬觔配用並增爐二座為十二座至是巡撫舒輅奏言雲南見在停運

廣西錢必須在本省增鑄方不致缺乏請再添爐
八座為二十座其原議每一爐鑄正銅鉛錫六百
觔為一卯每卯出錢八十串今應增添以每爐鑄
一千觔為一卯加耗在外共用銅鉛錫七十九萬
一千二百十觔有奇鑄青錢九萬六千串除去工
價等項每年仍以六萬二千串配給通省俸餉以
每百兩搭錢十二千六百文為例其餘尚存錢二
萬餘串於錢價昂貴之時或發省城鋪戶領換或

設官局易換隨宜酌辦以利民用戶部議如所請從之

臣等謹按嗣後粵西本省鑛銅祇以預備接濟其寶桂局額銅歲買雲南湯丹廠銅三十九萬五千六百觔供鑄至二十一年滇省以湯丹廠銅不敷撥給議以金釵廠銅各半對搭二十三年又以湯丹廠銅全歸京運改為大銅金釵二廠對搭二十七年以金釵廠銅搭鑄之錢每串不能足部定七

勛八兩之數請於十分內止配用金釵銅三分經
戶部議定金釵廠銅每百勛價銀九兩加耗二十
三勛較之雲南發賣他廠之銅價銀十一兩加耗
五勛者數目相懸原可通融抵算今將原額應用
一半金釵銅內提出七萬九千一百二十勛之數
另行添買耗銅煎鍊作為大銅廠銅五分鍊淨金
釵銅二分未鍊金釵銅三分配搭鼓鑄

又申定雲南運銅限期戶部議言雲南解運京銅

向令長運官由四川接運至京自川至漢口定限
四月漢口抵通州定限五月至於漢口儀徵例須
換船一切搬運過載於漢口定限四十日儀徵定
限二十日通計自領銅抵通定限十有一月如逾
限一月照例將領運官革職戴罪管解委解上司
官降三級留任如遇守凍之時地方官察明咨部
照例扣除至守風守水日期均不准扣算再每運
銅均有正協領運官二人沿途或有沈失打撈等

事即令一人先運其每船准裝銅七萬觔不得減
船重載及私帶貨物所過之境令地方官弁照漕
船之例按站催趲並將入境出境日期報部察核
倘無故停留及有盜賣等弊地方官不實力催行
及私隱不報照徇庇例降三級調用督撫一併議
處其交銅之後自京回滇以九十九日為限至加
運銅向係雜職官二人管解未免職卑任重嗣後
亦照正銅例委府佐州縣一人為正運雜職一人

為協運從之

十五年令江浙二省錢局加銅鼓鑄時以明年辛未春

聖駕巡幸江浙正商民雲集之時

特命截留滇銅於江蘇浙江二局預行加卯開鑄屆期設立官局減價出易以平市價

臣等謹按嗣後恭遇

南巡盛典皆照例加卯鼓鑄

又定沈失銅鉛處分戶部議定運京銅鉛偶遇中途覆溺限以一年撈獲運員於限內遇有陞遷事故仍留沈失之處打撈俟事竣之日分別赴任回籍如限滿無獲及獲不及數即題叅革職限一年內照數賠補准予開復所失銅鉛仍聽其自便撈取報官給價收買如逾年始賠完者免罪不准開復二年不完照例治罪嚴追至運銅之船令地方官雇覓倘以不諳行船之人塞責致有覆溺者將

地方官罰六月俸照漕船失風例仍停陞轉一年
責令協同運官實力打撈限內獲半者免議全無
撈獲與數不及半者各罰一年俸

又開雲南廣西府局鼓鑄雲南巡撫圖爾炳阿奏
言從前廣西府鑄運京錢時雖未搭放兵餉但支
給一切工料等項錢文俱係就近行使故制錢尚
為充裕迨停鑄之後迄今十載錢價日昂請復行
開局設爐十五座每年開鑄三十六卯所需銅觔

由東川屬各廠撥往照大理局鼓鑄之數共用正額帶鑄外耗銅鉛錫五十五萬八百觔鑄青錢六萬七千三百三十串二百文有奇除去工價等項照銀七錢三之例配給曲靖開化二鎮標廣羅協廣南營兵餉戶部議如所請從之

十六年令寶泉寶源二局每年各開鑄七十一卯戶工二部議定寶泉寶源兩局歲收銅鉛錫除額鑄之外尚有餘剩應各加鑄十卯為七十一卯每

年合計二局比原額可添錢十六萬九千八百餘串如遇錢價昂貴即發八旗米局照市價酌減出易

又定解局盈餘銅鉛聽運官報稅自行售賣奉

上諭戶部所議銅鉛交局盈餘之處奏稱滇省運銅每百觔給有餘銅三觔以供折耗之用額銅交足外餘剩令其儘數交局餘鉛亦照此例看來從前成例似是而非解局銅鉛既有定額不足者責令賠補則盈

餘者即當聽其售賣蓋盈餘已在正額之外即不得謂之官物如應儘解儘收則從前竟可不必定以額數矣正額已完又誰肯儘交餘數聽其自售以濟京師民用未嘗不可但以官解之餘而私售漏稅則不可行而且啓弊惟令據實納稅足矣尋戶部議定凡交局所餘銅鉛及點錫令運員據實報明移咨崇文門照數納稅戶部即將餘剩數目行知經過各關核算稅銀轉行各督撫俟委員差竣回省之時

於應領養廉項內扣留解部如有以多報少隱匿等弊一經察出即照漏稅例治罪

又定鉛錫自張家灣運局限期戶部議定照運銅之例亦以兩月全行交局

又議改撥川銅增寶陝局爐座停四川鑄運陝西錢川陝總督尹繼善奏言川省歲撥陝省錢三萬一千二百串分作四季發運每以馱腳艱難不能如期運到見在四川廠銅旺盛請改撥川銅二十

五萬觔由水路運陝於寶陝局見鑄洋銅之外另
增設爐十座加配鉛錫每年所鑄除去工價等項
可得錢四萬八千六百餘串既省運腳之煩又可
增塔兵餉實為兩便應於乾隆十七年為始川省
裁爐七座停鑄運陝錢令陝西委員按年領銅供
鑄戶部議如所請從之

臣等謹按嗣後寶陝局以商交洋銅漸次減額於
十九年以後每年添買四川銅十萬觔配搭鼓鑄

其所需黑鉛自乾隆十三年奏開華陰縣之華陽川地方鉛礦試採有效即議定每百觔內抽課二十觔又官買餘鉛二十五觔每觔給價銀五分至二十年以鉛廠工本不敷復增定每觔給價銀六分收買解局供鑄

又更定沉失銅鉛處分之例戶部議定額運內沉失銅鉛原議一年撈獲有正協二員者留協運官在沉失之處無協運者留親屬家人並令境內文

武官會同辦理限內無獲及獲不及數如不在險
隘之地即將運員題叅賠補倘實係瞿塘三峽長
江大湖及黃河諸險准地方官出結報該管督撫
移咨原辦銅鉛本省督撫會疏保題將沉失銅船
照數辦解免運官叅處分賠其地方官不慎選船
戶以致沉失者照例罰俸如實係風水驟發非人
力所能防護者該管官申報將雇船之官免議
十七年暫停山西寶晉局鼓鑄

又令雲南東川府增設新局鼓鑄雲南巡撫愛必
達奏言滇省歲需官兵俸餉銀九十萬二百餘兩
向於本省地丁商稅及他省分撥銀兩支給而存
留司庫暨各府庫者僅五十萬兩有奇倘有緊要
需用必待腹地各省協濟地處邊遠緩不及事見
在各廠礦銅旺盛鉛錫亦產自境內不必外求查
湯丹大碌等廠皆在東川地方出銅尤多而每當
發給工本之時錢價頓貴廠民稱累東川府舊

已設爐二十座專搭兵餉應請於就近增開新局
設爐五十座亦開鑄三十六外共用正額帶鑄外
耗銅鉛錫一百八十三萬六千觔鑄青錢二十二
萬四千四百三十四串二百文有奇除去工價等
項即以搭放銅鉛工本腳價每銀一兩仍照兵餉
例以一千二百文發給每年扣存息銀四萬三千
兩有奇以備存貯俟十年之後合之原存之數可
得一百萬兩庶庫項日見充足戶部議如所請從之

又增湖南寶南局爐座先是以金釵廠銅易致折耗而湖南本地礦銅亦漸次採獲已議於十分中用滇銅八分楚銅二分配鑄至是以銅產日旺巡撫范時綬奏請全用本省桂陽州郴州廠銅增爐五座共為十座加鑄一倍錢文增搭兵餉以每百兩給錢十串作為一成之數餘錢仍交官局以時易換戶部議如所請從之

十八年定雲南運銅官給照回省之例戶部議言

滇省每年解銅需正協運官十二員事竣回滇雖
原定有九十九日之限但在京收銅補耗遲速不
齊該員藉端逗遛或於起程後沿途停滯皆所不
免嗣後交完銅觔將回滇日期報明戶部給發實
收即將起程日期填給執照行知雲南督撫兼知
會吏部如入京時在途有沉失未獲之銅應赴原
處打撈者即知照該處督撫飭地方官驗明執照
協同撈取并將運員入境起程日期先後移咨滇

又令湖北寶武局增額鼓鑄時以湖北議修城工湖廣總督開泰奏請每年添買漢口商銅四十萬觔配入鉛錫照原定之卯加倍開鑄除工料外歲添錢八萬六千九百串設局出易歸還鑄本以所得餘息銀備充公之用戶部議如所請從之又定雲南運銅官按程支給養廉雜費之例戶部議定雲南解銅正協運官養廉雜費銀自雲南至

永寧瀘州准支二十三日自領銅起至通州准支
九月在漢口及儀徵換船准支兩月自通州打包
運局准支兩月自京回滇准支九十九日其在途
守凍日期減半支給

又聞山西寶晉局鼓鑄減設爐座先是以銅觔用
完巡撫阿思哈奏請暫行停爐得

旨錢文為民間日用必需自宜即行設法採辦銅觔源
源接鑄其如何定以官價遴選殷實商人具領承辦

之處著傳諭阿思哈速行辦理尋議定招商辦銅七十萬觔聽赴漢口及蘇州購買分作五年交局先發價銀三分之一其餘陸續支領其鉛錫另行委員採辦至是巡撫胡寶琮奏請復行開局較從前酌減爐四座止存六座鑄錢已足敷用其各營官兵俸餉以銀七錢三配給戶部議如所請從之十九年議以湖南餘銅運往湖北供鑄湖南巡撫范時綬奏言桂陽郴州二銅廠開採之始歲止獲

銅三萬餘觔尋增至十萬觔自十七年以後加意
調劑現在歲可辦獲銅三十餘萬觔除寶南局鼓
鑄用銅十九萬六千二百觔之外尚有盈餘查湖
北鑄局每年需銅不下四十萬觔近聞漢口銅採
買甚艱請將湖南所餘銅歲運十萬觔協濟湖北
之用一水可達實為便益至於銅價於上年議定
除二八抽課外餘銅官買每百觔給銀十三兩應
令湖北亦照定價撥銀還項戶部議如所請從之

又增定寶源局錢放餉額數工部奏言寶源局按
卯鑄錢解交節慎庫者歲共四十萬二千二十八
串有奇除給發各工及移交戶部放餉錢二十四
萬串之外每年遞加存積見在貯庫者三十七萬
餘串正宜及時流通查搭放兵餉每月約以二成
計需錢七萬餘串戶部用至五萬餘串工部協放
者僅二萬串為數較少請嗣後工部餉錢每月以
三萬串為例令戶部核明八旗應領款項即於節

慎庫給發庶庫錢不至壅積從之尋議定每屆領餉之期戶部票傳寶泉局爐頭除分放本部錢文外即令前赴工部庫領錢如數散給至二十六年以一局爐頭辦放兩處餉錢未免顧此失彼且錢文遇有短少易至互相推諉更定工部餉錢令寶源局爐頭赴庫放給

又增雲南收買廠銅價值雲南巡撫愛必達奏言東川府屬湯丹大碌等廠所產銅觔歲以解運京

局定例每百觔以價銀九兩二錢報銷原係合算
耗銅餘銅及銅廠雜費在內其廠民實得之價向
係每觔給銀六分查雍正四年開採以來奏定於
百觔內抽課十觔例不給價餘銅官為儘數收買
尋復議課銅之外再抽耗銅五觔至乾隆四年復
題定東川所屬各銅廠地遠費多每百觔除抽課
及加耗外餘銅准照每觔銀六分收買其在各屬
地方者新開之廠照新例每百觔抽課二十觔餘

銅每觔給價五分收買舊有之廠照舊例每百觔
抽課九觔餘銅每觔給價自三分八釐至四分二
釐收買嗣後俱遵照辦理但湯丹大碌二廠銅質
最高廠民採銅百觔除去抽收十五觔實止得工
本銀五兩一錢開採年久礮硿日深費用加重所
給工本實屬不敷請每百觔增銀九錢以足六兩
之數經戶部議該處舊定銅價已較多於他廠未
便再行議增得

旨著加恩照請增之數給予一半餘廠不得援以為例
臣等謹按嗣後至二十一年以東川局加卯鼓鑄
餘息於每百觔續添銀四錢五分為價銀六兩收
買二十七年以工本較重復議每百觔再增銀四
錢

又令四川以存積餘銅解京四川總督黃廷桂奏
言成部錢局存積銅一百四十餘萬觔建昌各廠
存貯未運局者又有八十餘萬觔川省每年需銅

止六十萬觔請酌留八十餘萬觔以備通融接濟
尚有一百四十餘萬觔可以解京經戶部議准運
至京局以充鼓鑄但專員領解需用腳價甚多令
先如數運貯重慶俟滇省運銅路過之便每運帶
解二十萬觔分作七運附解交局

又議以廣東鹽觔與雲南銅觔互易供鑄廣東巡
撫鶴年奏言粵東鼓鑄歲需正耗銅十四萬一千
二百六十四觔見在雖有存局餘銅仍應每年辦

銅十萬觔以備接濟查滇省產鹽不敷亦歲需粵
鹽一百六十六萬一千三百三十三觔已咨商滇
省彼此抵換可免委員齎價之煩嗣後兩省按年
輪值遇廣東辦銅之年即運鹽而往遇雲南辦鹽
之年即運銅而來惟粵鹽之價較滇銅尚有不敷
仍扣算補足實於公務有益戶部議如所請從之
嗣後至二十五年以存局銅觔將完復議於鹽銅
互易之外每年再動帑添買滇銅五萬觔應用

又議定雲南各局配鑄黑鉛價直雲南巡撫愛必達奏言滇省黑鉛出產衰旺不常自鼓鑄青錢以來俱於各屬地方零星購買本無一定之廠歷來各局報銷每百觔勻耳工本脚費銀二兩二錢今就現在情形核定省城局黑鉛應用祿勸州甸尾廠所出每百觔價銀一兩五錢自廠至局運脚六錢臨安府局黑鉛應用建水州銀廠所出每百觔價銀一兩四錢八分自廠至局運脚九分有奇大

理府局黑鉛應用順寧府銀廠所出每百觔價銀
一兩五分有奇自廠至局運脚一兩一錢四分有
奇廣西府局黑鉛應用羅平州平彝縣白鉛廠所
出每百觔價銀一兩四錢八分自廠至局運脚五
錢東川新舊兩局黑鉛應用會澤縣阿那多廠所
出每百觔價銀一兩六錢八分有奇自廠至局運
脚五錢一分有奇飭令管廠各員按年據實報銷
二十年定江浙採買洋銅商額先是江浙承辦京

局銅劬各洋商皆預先領帑至乾隆三年停止辦
運而商人積欠甚多未能清繳嗣因江蘇開鑄另
招自攜資本之新商即給與舊商所用倭照出洋
採銅俟辦回時與浙江分買供鑄至是江蘇巡撫
莊有恭奏言舊商欠項尚有一十二萬七千餘兩
年久無完昔年各商初往東洋時倭人設立倭照
每張約費銀八九千兩不等今新商楊裕和等即
承頂其照出洋獲利情願代完舊欠分年抵補查

乾隆十四年議採辦洋銅每年額定十五船除官商范清注銅船係領帑辦銅外民商自辦者共十二船應請即以見辦十二人為商額每年發十二船置貨出洋約需自備銅本銀二十八萬八千餘兩辦銅一百五十萬觔仍照舊定官收一半之例江浙二省分買其代完舊欠銀即於司庫發買銅價內按年扣收於乾隆二十年為始增給布政司印照以為海口稽查符驗其有他商情願辦銅者

悉附十二額商名下如引鹽散商附入甲商之例
不得私自越販其銅船有在浙省收口者一體辦
理知會至閩粵洋商向不辦銅仍照舊例毋許私
販戶部議如所請從之至二十五年禁止絲觔出
洋復奏定額商楊裕和及官商范清注等每年出
洋者十六船共辦銅二百萬觔除置帶糖霜藥材
等貨外每船應配帶紬緞三十三捲以重一百二
十觔為一捲毋許浮多責成江南海關及浙江乍

浦二處官員照例稱驗輸稅二十九年以弛絲勛
出洋之禁復令每船准配帶湖絲照原定紬緞之
數抵算出口易銅以供鼓鑄

臣等謹按採買洋銅例往東洋日本自康熙二十
二年設立海關是時洋銅即已流通內地逮三十
八年以京局額銅交商辦解尋改為八省分辦復
改為江浙總辦皆取給於東洋至乾隆三年京局
改用滇銅而江浙等省仍用洋銅配鑄自是年奏

定商額以後各船歲往日本之長崎澳易銅以還
分供鑄局鯨波萬里來往不驚蓋由

聖世承平商民樂業以東鯨遠產而歲致中邦宛如內
地官山之利焉猗與盛哉

又增四川寶川局爐座先是十六年以停鑄協濟
陝西錢減爐七座十九年以厥銅存貯有餘復照
舊額開爐三十座至是以川省議修城工總督黃
廷桂奏請於原額之外再增爐三十座加鑄銅鉛

錫一百二十萬觔歲添錢十二萬四千餘串設局出易以餘息存充公用戶部議如所請從之

又定貴州湖南辦解鉛觔鎔成整塊之例戶工二部議言京局額鉛俱由貴州湖南辦運當其鎔化出廠每塊多寡輕重原不畫一緣局內兌收法馬以百觔為準是以運員接領之後另加鑿鑿配搭成包每包作為一百觔多有零星碎塊水陸轉運易於虧折且鑿鑿之時人役偷減諸弊難保其必

無每至到局平兌勛數不足俱需餘鉛添補或有掛欠補解者嗣後請令鉛廠煎鍊之時預行較定五十勛為一塊每二塊為一包以足百勛之數不許運員私行搭配可免折耗之弊從之

二十一年議定雲南各局配鑄白鉛價直先是雲南局白鉛俱係卑浙塊澤二廠所出乾隆十四年以建水州新開普馬山廠產有白鉛距省城臨安道路較近奏定照例抽課收買運供二局鼓鑄尋

復議大理廣西二局亦就近撥用以省脚費其舊
廠每年但收買二十五萬觔存貯其餘聽商自行
銷售至是廠民呈請每百觔減價一錢八分仍照
舊例撥用經署巡撫郭一裕奏定新舊廠並行開
採除東川局向用卑浙塊澤廠鉛外嗣後省城臨
安二局用普馬廠鉛每百觔照例廠價二兩大理
廣西二局用卑浙塊澤廠鉛每百觔廠價一兩八
錢二分按額分運

又令寶源局以存貯餘銅加卯鼓鑄工部錢法侍郎夢麟奏言寶源局額鑄銅鉛錫每年尚有餘剩存積日多請於正額七十一卯之外加鑄十卯歲可添錢五萬六千六百餘串以廣流通俟餘銅用盡再行停止從之嗣後至二十七年以舊銅將次用完仍照原額為七十一卯

又增山西寶晉局爐座山西巡撫明德奏言晉省近因錢價昂貴將庫存錢文發市平賣但歲鑄之

錢為數無多不能源源出易現在川省餘銅足敷採買請動帑辦運五十萬觔按年配搭商銅鼓鑄增爐五座為十一座歲可添錢一萬七千五百餘串照例減價聽民易換戶部議如所請從之

又令雲南東川府新局加卯鼓鑄雲南巡撫郭一裕奏言滇省每年出銅千餘萬觔以供鼓鑄所獲息銀亦歲收二三十萬兩留備一切公用闕係甚重查迤東迤西地方各小廠數十處產銅不一惟

東川府之湯丹大碌二廠歲辦獲銅七八百萬觔較他廠尤為緊要近年以來礦產漸遠物料加昂前已議每百觔添給價銀四錢五分而廠民仍為竭蹶應酌量調劑之法請於東川府新局內加鑄十八卯即令湯丹大碌等處廠民於常額之外加辦餘銅照廠價收買供用歲可添錢十一萬二千二百十七串有奇核計鑄出錢文歸還鑄本之外將息銀增給各廠工本以本廠銅觔加鑄之餘息

即為該廠添補工費之不足既不至糜費正帑而於銅務有益戶部議如所請從之

又增湖南寶南局爐座湖南巡撫陳宏謀奏言桂陽州郴州各廠礦砂加旺歲可獲銅四五十萬觔錢局又有存貯舊銅其配鑄鉛錫各廠所產亦足敷用請再增爐十座為二十座共用銅鉛錫七八萬四千八百觔鑄出錢文應於搭放兵餉之中稍為變通查湖廣各營兵糧多支本色米石惟提

標及衡永鎮草辰州沅州永順桂陽澧州臨武常德九谿龍陽保靖永定等各鎮協營向支折色銀兩每米一石折價六錢七錢不等因米價日昂實不敷買即以局錢每串作銀一兩給發其各營餉銀搭放一成錢之數悉照舊例所餘之錢仍按市價酌減出易戶部議如所請從之

又定各衙門公費給錢之例戶部奏言寶錢局歲鑄錢文於額用之外餘錢八萬餘串逐年遞積見

存庫錢約六十萬串查在京各衙門每月應支公
費除工部各官業經該部奏明給發寶源局錢外
其餘俱由戶部支領銀兩每月需銀九千四百餘
兩不等而各衙門領銀之後又需赴市易錢應用
請嗣後一體改給制錢則庫項既不至壅滯而錢
價又可漸平從之

二十二年定分別收換廢錢之例奉

上諭前代廢錢流傳至今已屬無幾攬和行使相沿已

久若盡行查禁轉使吏役得借端滋擾如唐宋元明
之舊錢不妨仍聽民便至偽號錢文則當嚴行禁革
但辦理不善恐小民無知以見有錢文官為收禁情
有不願著該督撫等出示曉諭准民間檢出官為收
換所換錢文即供鼓鑄之用

二十三年更定雲南辦解京銅併為四運先是戶
部奏言雲南解銅多有沈失總緣川江之險甚於
他處而其風狂水急每在四五月間滇省第二

運銅抵川正當其時宜令分攤以為避險之計請
飭該省督撫妥議尋四川總督開泰會同雲南巡
撫劉藻議奏滇銅解京向分為正加六運每隔兩
月即令一運起程故雖遇川江盛漲之時不得不
依限前行致有覆溺之患自應酌量變通但正運
銅餉係運官沿途雇船直抵通州而加運之銅自
漢口以下即撥地方站船遞送若將正運之銅分
派與加運官帶解則報銷水脚未免參差請將四

正運併作三運二加運併作一運共為正加四運
每歲七月內開頭運九月內開二運十一月內開
三運次年二月內開加運每正運仍係相隔兩月
起解加運銅數較多寬予一月之限亦屬均勻既
可避夏漲之險而正運加運各歸原款一切打包
換船諸事亦可以次辦理戶部議如所請從之
又定貴州辦鉛起運限期貴州巡撫周人驥奏言
黔省辦鉛向例分上下兩運上運以四月起解本

年十月到部下運以十月起解次年四月到部自
川省重慶府開行沿途一切換船搬載分別定限
抵通如逾限一月以上照例查叅見因川江夏漲
難行應照滇銅例設法避險請嗣後上運於二月
內起程三月即可出峽仍定限本年十月抵通下
運於八月內起程九月即可出峽仍定限次年四
月抵通如此則重運不至冒險而抵通之期更為
寬裕戶部議如所請從之

二十四年移貴州畢節縣局於省城加卯鼓鑄貴州巡撫周人驥奏言畢節縣設局之始原因就近可運銅鉛但每歲所鑄錢文解至省城安順二處仍須開銷腳價而知縣有地方之責委令管局亦有顧此失彼之虞應移局於省城貴陽府專委大員管理至銅鉛各廠雖距省稍遠若將安順以下河道開通改為一半水程可以節省運費並將加鑄二十六卯歲可添錢五萬七千三百五十五串

有奇增搭兵餉仍以所餘錢流通出易以平市價
其所需銅觔見在積存廠內者有八十餘萬將來
陸續拆出可接濟二年之用戶部議如所請從之
尋復奏定每年六十九卯除去工價等項實存錢
十七萬二千餘串內搭放兵餉及俸工役食等錢
十萬餘串以六七萬串令官錢鋪發賣每串照市
價易銀一兩四分至二十六年以錢價日平復議
定每串易銀一兩以便民用

臣等謹按嗣後至二十六年以積銅用完復奏定
每年除本省出銅一半外仍採買滇銅四十餘萬
觔添補議以大銅金釵二廠銅高低對搭各二十
餘萬觔

又聞西域葉爾羌城鼓鑄局回部之葉爾羌喀什
噶爾和闐城舊有錢文市易通用名曰普爾質以
紅銅為之重二錢制小而厚外有輪郭中無方孔
每錢五十文謂之騰格回部舊服屬於準噶爾以

普爾為歲賦在策妄阿拉布坦時錢面鑄其名用
準噶爾字背鑄回字噶爾丹策凌時復易名更鑄
準夷既征回賦即以回地普爾資用至是以西域
蕩平回城悉定

皇上從將軍兆惠之請開局於葉爾羌城改鑄錢文
特命戶部頒發錢式仍用紅銅每文重二錢形如內地
制錢較厚文為乾隆通寶用漢字其幕鑄葉爾羌
城名左用

國書右用回字先以預備軍營之銅開爐鑄錢五十萬易回部舊錢銷毀更鑄以資回衆之用嗣後仍於各城產銅之地陸續採銅加鑄

臣等謹按前史載西域諸國錢品不同各就其土俗為之從未有模範圓函悉奉一王之制者也大抵西域之錢多以金銀為質惟唐書載泥婆羅國以銅為錢不穿孔宋三朝國史載天竺國用銅錢圓徑如中國之制但實其中心不穿貫西域之錢

又多以人物為形惟洪遵泉志列吐蕃國屋馱國
錢稱其肉好不異中國以銅為之字如梵書不可
識所謂泥婆羅吐蕃等國皆為今西藏左右之境
實當回部之南然則回地之舊普爾錢鑄以赤銅
而有字或即其遺制耶夫回部居天山之南多係
古西域三十六國地唐書西域傳謂龜茲于闐置
女肆以征錢後周書異域傳稱高昌國稅銀錢樂
史太平寰宇記稱龜茲國稅銀錢而皆不詳其錢

式洪志載龜茲疏勒國有五銖錢又稱其地近西涼為張氏遺制然則其為市易之流傳與本國之自鑄亦莫得而考也惟是史稱龜茲國能鑄冶有鉛又疏勒姑墨難兜諸國多出銅鐵今回地之阿克蘇烏什庫車沙雅爾諸城即其故境蓋其饒於礦產自昔而然我

皇上德威廣被綏定遐荒月竄天西並遵制度於回城設局開鑄冠以

天朝年號而附識其域名於幕以同文之治為利用之
資洵乎貨幣之流通迄於無外已至於回部田賦
若葉爾羌喀什噶爾和闐諸城皆以糧與錢並納
舊以五十普爾為一騰格每騰格直銀一兩自登
版籍以來錢價日就平減諸城伯克等請加納普
爾以次遞增乾隆二十六年定以百普爾為一騰
格凡田畝之供輸與市廛之貿易皆以此為準繼
自今六府孔修百工咸理定州人之職官山遠過

乎祁連頒泉賦之規任土直周乎蒙汜斯固肇興
刀布以來所未有之

盛烈矣

又撥四川湖廣局錢運往甘肅先是以甘肅制錢
缺少民用未便已議將楚蜀餘錢酌撥協濟至是
奉

上諭甘肅錢價昂貴見在大兵凱旋及一應屯田事務
并民間日用錢文在所必需著於四川省每歲協濟

錢十二萬串湖廣省每歲協濟錢八萬串按數分起解甘濟用其所需工本物料價值以及水陸運費該省俱作正項報銷

又增湖南寶南局爐座時以協濟甘肅錢文四川及湖北皆於加鑄數內撥往惟湖南所鑄有搭餉及折給兵糧定額餘錢不敷解運巡撫馮鈐奏請以本地廠銅於舊爐二十座外增設爐二十座歲添錢八萬四千三百七十九串有奇以八萬串運

至甘肅戶部議如所請從之至二十六年停解甘
省錢以本省興修城垣奏定仍照增添之數鼓鑄
將鑄出錢八萬餘串設局平賣以餘息充城工之
用

二十五年令廣東湖南收買廣西餘鉛以供鼓鑄
護廣西巡撫葉存仁奏言粵西鼓鑄需用白鉛向
係委員赴黔省採辦嗣因思恩縣屬之幹崗廠出
有白鉛奏明抽課之外餘鉛每百觔以價銀二兩

四錢收買供鑄遞年積存局內者共有一百六十
四萬餘觔上年又增開盧架一廠採鉛日多已議
定每百觔減價一錢作為二兩三錢收買但本省
鼓鑄鉛觔毋庸再為預備而礦產旺盛廠民銷售
不及未免工本拮据查廣東湖南與廣西接壤雖
各開有鉛廠而白鉛出產甚少寶廣局每年需用
白鉛十三萬五千觔係照依時價採買每百觔價
銀四兩九錢有奇寶南局每年需用白鉛二十萬

勛係黔省撥運每百勛脚價銀三兩六錢有奇如
由桂林轉運至二省合計運脚較原數皆有節省
請嗣後將餘鉛收買存貯省城錢局令二省委員
赴粵西陸續買運易銀歸款戶部議如所請從之
至二十八年以出鉛數減議令湖南復買黔鉛其
廣東所需額鉛仍赴廣西採買

又令寶泉局每年開鑄七十六卯戶部奏言寶泉
局鼓鑄七十一卯得淨錢八十萬五千三百餘串

每年搭餉及給發公費需錢八十三萬餘串向因庫貯有餘酌量添用今前項貯錢五十餘萬串已令各工程處陸續支領自應預籌增鑄請再加五卯為七十六卯歲可添錢五萬六千六百餘串其紅銅及黑鉛點錫存局俱屬有餘毋庸添辦惟白鉛一項所剩無多應令黔省於正額之外再添辦三百萬觔分作三年帶解約可供添鑄十五年之用從之

二十六年停四川湖廣撥運甘肅錢甘肅巡撫明德奏言自楚蜀協濟錢文以來將四川錢撥運河西湖廣錢截留河東搭放兵餉及減價出易上年至今約共撥到錢四十餘萬串現在甘省每銀一兩約可易錢八百八九十文市價大平應請停止撥運下部知之

又開西域阿克蘇城鼓鑄局先是回地惟葉爾羌喀什噶爾和闐各城以錢交易其阿克蘇諸城向

不用錢或以銀買賣或以田地及貨物牲畜互換
自平定以後以其地向有銅礦仍於阿克蘇屬地
方置七品伯克二員管理採銅回戶至是叅贊大
臣尚書舒赫德以各城阿奇木伯克之請奏定於
阿克蘇城歲徵紅銅四千二百五十觔烏什城歲
徵紅銅三千一百九十觔庫車城歲徵紅銅八百
十五觔沙雅爾城歲徵紅銅三百五十觔賽哩木
城歲徵紅銅三百五十觔拜城歲徵紅銅三百四

十觔哈喇沙爾城歲徵紅銅七百五十觔共為一萬
觔彙解阿克蘇城開局鑄乾隆通寶錢其錢幕鑄
阿克蘇城名餘俱如葉爾羌城之制

臣等謹按自二十六年以後銅產日旺復陸續增
定阿克蘇屬採銅伯克為三員添置庫車屬採銅
伯克二員沙雅爾屬採銅伯克一員哈喇沙爾屬
採銅伯克二員其各城歲徵銅額亦以次加增以
為阿克蘇局添鑄及撥供葉爾羌局接鑄之用

又更定雲南辦解京銅仍分八運罷協運官戶部
奏言滇省承辦京局正加四運銅觔向定每運委
正運官一人協運官一人一同起程在途一切雇
船搬載俱係正協二員會同辦理歷年各運依限
解到者固多而到京遲滯者亦復不少總由二員
合運責任不專未免互相推諉應請將額解京銅
仍分為八運作爲六正運兩加運每運俱委同知
通判知州知縣等官管解以專責成不必再委雜

職官為協運每年仍避出川江夏漲之期將八運
均勻起解從之

又令貴州湖南起運京鉛罷協運官並定貴州辦
鉛仍分四運戶部奏言貴州湖南承辦白黑鉛觔
向係分派正運協運官各自領鉛先後開船其正
運所領鉛觔雖多於協運然正運係府佐等官沿
途足資彈壓即遇舟車需費亦易於應辦協運既
係雜職微員一切每多竭蹶於公事不免貽誤請

照雲南運銅之例專委同知通判知州知縣等官
管解其廣東辦解點錫向無協運之例嗣後仍毋
得委雜職等官至於鉛觔分運宜酌量均派湖南
所解黑鉛為數較少應照舊為上下兩運貴州所
解白鉛原額四百四十萬餘觔近又有添辦之數
仍應分為四運從之

又令湖南收禁小錢先是於乾隆九年巡撫晏斯
盛請將湖廣所行小錢概行禁止交官給與價值

經大學士等議以楚省使用錢文大小不等民間有以三小錢當一者有以兩小錢當一者原係舊有之錢非私鑄可比見在錢少價昂若遽為查收恐於兵民未便俟制錢充足再行定限至是巡撫馮鈐奏稱湖南自節次加爐鼓鑄以來錢價大平小錢自應禁革戶部議定除古錢一項仍聽民便康熙年間之小制錢亦照舊行使其餘一概小錢令地方官申禁並照例收買

又增設戶部錢法堂司官二人裁寶泉局筆帖式
二人戶部奏言錢法堂官原為稽察寶泉局而設
一應文移往來向因書吏具稿未協令監督主稿
錢法侍郎核定以稽察錢局之文案即由本局監
督辦理殊非體制查寶泉局向派筆帖式四員繙
寫文移而事務無多請酌裁筆帖式二人添派滿
漢司官各一人專司主稿於各司員中公同選委
仍照監督之例二年更代從之

二十七年令解京鉛錫運局車價皆預行撥解戶部奏言貴州湖南廣東承辦鉛錫俱由張家灣陸運至局其車價銀向係運官攜帶臨時交張灣巡檢代雇車輛往往有交價濡遲巡檢借端推諉以致不能速運必得部中督催始克運竣者蓋緣車價既入運官之手即不免沿途抑用而巡檢因係私相交兌亦遂任意遷延應請嗣後解運鉛錫除一切途中必需之費仍發運官隨帶備用其自張

灣運局請照運銅車價預解坐糧廳之例行令貴
州等省計一年所需預行撥解通永道庫存貯俟
運船抵灣該道核算應用之價照數發張灣巡檢
雇車起運一面將發價日期呈報錢法衙門扣限
查催從之

又定雲南辦解銅觔整碎分包之例先是戶部奏
准將額運京銅倣照運鉛之例令先酌定觔數鎔
作整圓每包合成一百觔不許運員鑿鑿碎銅搭

配以免沿途折耗即遇有沉失亦便於按數撈取至是雲南巡撫劉藻奏言向來滇省解京俱係蟹殼銅嗣因大興廠所產之銅成色與蟹殼相同即奏明以餅銅配解均係整碎分搭每百觔為一包蓋在廠之銅係將礦砂錘碎鎔化於洪爐之內提取而出本不能輕重適均其蟹殼一項乃成色最高之礦當煎鍊之時以米湯澆潑乘其凝結然後揭取水火相薄亦易激成碎塊非盡由於解官鑿

鑿之故也嗣後應令將滇銅整圓者與碎小者各自分包裝圓者每包不必拘定百觔碎小者必足百觔之數其塊數觔數用一木牌詳悉開明釘於封包之外過秤時連包秤對不許逐處拆動亦可杜偷竊而防遺失下部知之

又定京局交收銅鉛錫限期戶部奏言向例銅觔到局監督呈明錢法侍郎驗定成色即令交收俟全數兌完之後給發回批乃運官每易遷延時日

不能作速交清嗣後請定限兩月全收如有舛數
短少勒限十日令赴局補交其各省解到鉛錫亦
照此一體辦理仍將局內收清日期先行知照該
撫以便飭令運官回任報銷從之

二十八年令湖北寶武局添買雲南銅配鑄先是
寶武局加鑄錢文原議專用漢口商銅尋以四川
礦銅旺盛歲買川銅二十萬觔合漢口銅二十萬
觔對搭鼓鑄至是以川銅不敷採買湖北巡撫輔

德奏請照例買漢口銅經戶部議漢口銅每百觔
需銀十九兩價直較昂應令添買滇銅以節糜費
嗣後湖北委員赴滇於正鑄需用之外另行加辦
其漢口銅每百觔復減價至十七兩五錢暫行收
買以供每年滇銅未到之先隨時接濟從之

二十九年定滇銅運京守風守水及封關封峽程
限戶部議言滇銅自四川瀘州運至通州以十一
月為期或遇途次守凍例准扣除並無守風守水

及封閘封峽等一定程限承運各官往往任意耽延查滇銅至京程途原非一日途中風水順逆既難逆計當川峽盛漲更難冒險前進至運河閘座所以蓄洩水勢以濟漕運及封閉之日各項船隻例不開放而銅船至京又無他道可以繞越兼旬守候勢所不免應交沿途督撫遇有銅船到境實係封閘封峽及遇水淺起剝查明屬實取結報部以便扣限其有風信驟發水勢暴漲事出偶遭一

併准其照例扣除如平水河道人力可施不得藉端逗遛各船分起解運應令節次抵通亦不得任意後先稽延時日違者查核從之

又議定湖南運解京局黑鉛仍歸貴州湖南分辦先是京局所需黑鉛七十萬五百七十觔有奇厯交貴州辦運嗣因湖南郴州開採桃花壠等處及桂陽州等廠黑白鉛砂出產甚旺乾隆十一年議將貴州所辦京鉛一半改歸湖南代辦復於乾隆

十四年將貴州應解京鉛全交湖南代辦至是湖南巡撫喬光烈奏言湖南所辦京鉛本由桂陽郴州兩廠分運今郴廠因開採日久硃老砂竭已請封禁而京鉛為鼓鑄所必需未便闕額聞貴州柞子等廠所產黑鉛自停運以來頗有積存鉛觔今據貴州巡撫劉藻覆稱貴州每年可辦京局黑鉛三十五萬觔自乾隆二十九年為始照數委員解京供鑄其餘三十五萬二百八十五觔有奇仍須

湖南辦運請改於桂陽廠採辦作為一運於九月
全數解京仍分交戶工二部收納供鑄至所需顏
料庫黑鉛一萬七千六百六十九觔有奇向亦係
郴桂兩廠分辦今統歸桂廠辦解戶部議如所請
從之

又定廣東湖南運京鉛錫程限廣東布政司胡文
伯奏言雲貴辦運京局銅鉛均經議定程限其餘
省分解京鉛錫未經定期恐委運各員沿途任意

逗遛或致誤公經戶部議言直省辦解鉛錫由本省前至張家灣抵京其間經涉江湖實在需日若干應令直省各自核計定限嗣經廣東巡撫明山議定廣東辦解點錫自廣州前至通州之張家灣中間多係灘河逆流南雄而上俱由陸運山路亦復崎嶇運解原非易應酌定程期以十閱月解京為限湖南巡撫喬光烈議言長沙領運黑鉛直自漢口運抵張家灣原照貴州運銅之例定限五

閱月其自長沙前抵漢口中隔洞庭水寬風逆勢
難冒險前進應酌以一月為期中途遇有守風守
凍日期仍准沿途地方各官結報核辦戶部議如
所請從之

又開雲南順寧府鼓鑄局雲貴總督吳達善奏言
滇省辦銅各廠除湯丹大碌兩大廠之外其次即
賴大興大銅二廠自乾隆二十一年奏開之後歲
辦獲銅百餘萬觔至三四百萬觔不等兼之銅質

甚高大興廠添撥京局大銅廠分供省局每年二
廠所餘銅仍以給各省配搭採買之需但該二廠
地勢低窪每被水淹廠民以有虧資本採辦不前
應及時調劑擬歲給官本八千兩以為宣洩積水
備料興工之用查順寧府之寧台山廠並附近蘆
塘等處近年礦砂旺盛積銅甚多若加耗煎淨儘
堪適用其鼓鑄所需鉛錫亦易撥運請開局於順
寧府城設爐八座每年開鑄三十六卯並照東川

新局之例加鑄十八卯錢幕仍鑄寶雲二字共用
正額帶鑄外耗銅鉛錫四十四萬六百四十觔鑄
青錢五萬三千八百六十四串二百文有奇除去
工價等項就近配給永順鎮標官兵俸餉并搭放
順寧永昌二府公用所餘錢文核計歸還鑄本將
息銀八千八百餘兩添補大興大銅廠經費戶部
議如所請從之

又撥雲南彌勒州廠白鉛運廣西府局供鑄雲南

巡撫劉藻奏言廣西府局鼓鑄每歲需白鉛二十萬九千五百餘觔有奇向於羅平州卑塊二廠買運每百觔並運費給價二兩七分今彌勒州野豬廠產鉛旺盛應自丙戌年為始照例給價收買撥運廣西府局供鑄每百觔減價一錢八分由野豬廠運廣西府局合計運脚亦有節省供鑄之外如有餘鉛仍抽正課聽商銷售戶部議如所請從之

又減陝西鑄錢銅數增買滇銅運陝供鑄先是陝西寶陝局鼓鑄需銅三十八萬觔向赴四川採辦因川省出銅減少停其採買更向雲南撥給三十萬觔以供鼓鑄高低各色配解至是雲南以高銅漸少祇撥給五萬觔更撥金釵廠低銅三十萬觔交委員領運陝西巡撫和其衷奏言陝省歷年銅觔年運年銷並無餘存而官商辦運洋銅不過五六萬觔運局每無定期不能及時應用見在存

貯陝銅止可供一年之鑄陝滇相去遼遠銅劬往返約須二年有餘誠恐一時不能接濟必致停爐歇卯請將陝局鼓鑄每爐兩卯酌減五百劬以一年為率今年減存之銅即可待次年供鑄俟滇銅運到仍行照舊鼓鑄再採運滇銅既難刻期而至請自丙戌年為始於三十五萬劬正額之外預買五萬劬仍照高低各色配解以備陸續接鑄之需戶部議如所請從之

三十年議以四川重慶夔州二營生息銀兩交鑄局加卯鼓鑄四川總督阿爾泰疏言川省各營需用賞卹曾經於鹽茶項下支銀一萬四千五百餘兩交寶川局每年加鑄二卯扣還銅鉛錫等工價可得息銀七千七百餘兩為陸續賞卹之用惟重慶夔州二處仍係營中領本四萬一千九百餘兩自行開典生息充賞每年獲息僅五千三四百兩較之錢局加卯鼓鑄相去懸殊且當店官為經理

雜費既多兵弁差操多誤或恐有私漸挪移之弊
不若將官典概行停止所獲息銀及房間什物盡
行變價歸本解司以一萬九千餘兩仍照例交鑄
局隨卯帶鑄除歸還價本之外所餘銀兩餘息既
多足敷添補賞項之用事簡易行亦於政體協宜
得

旨允行

三十一年減雲南順寧局加卯鼓鑄增省城臨安

鼓鑄外期雲貴總督劉藻奏言大興大銅等廠礮
硃日深修費更多經前督吳達善奏請於順寧府
設爐八座每旬每外加鑄半外支放兵餉所獲息
錢歸併大興大銅等廠為工本經費嗣慮兩廠支
給官本歸款無期又請於大理局各爐內加外鼓
鑄獲息清款至寧台廠歷年辦獲銅筋止能供順
寧局正鑄之用其加外鼓鑄之銅難以辦供應將
三十一年順寧局停止加外鼓鑄其順寧局每年

正加各卯原係撥還大興大銅等廠預支動工洩水之項歷年清還惟現在三十一年所動興工洩水原本八千兩本年正鑄局錢止得其半不敷抵補應於省城臨安等局酌量加卯籌辦餘息歸補戶部議如所請從之

又議定雲南開採礦廠地界併停各省預買加買借買銅觔及本省各局加鑄之例大學士雲貴總督楊應琚奏言滇省近年礦廠日開砂丁人等聚

集每處不下數十萬人耗米過多搬運日衆以致
各廠糧價日昂一日且有無業之徒藉言某山見
有礦引可以採銅具呈試採呼朋引類羣向有米
之家借食糧米名曰米分以米分之多寡定將來
分礦之盈縮往往開採數年無益又復引而之他
有米之家希圖加借前後併還終致礦歸烏有米
復徒耗更或預向廠員借用銀米前後挪掩重利
借還負累殊深查滇銅關係鼓鑄不容闕乏已開

各廠不便議停未開各廠正宜示以限制請將舊有之老廠子廠存留限於各廠四十里內開採四十里以外不得任意私開廠有定數則廠內砂丁可無虞日漸加增耗費米石至各廠所獲銅觔比年解運京局及本省鼓鑄外省採買所餘不過數十萬觔如儘各省加買勢至入不敷出似應及時籌劃請將各省乾隆二十九年以前奏定之額聽其按年買運如有請預買一運及加買至借買數

十萬觔之處概不准行舊廠既有界限開採年久
衰歇堪虞應留有餘以補不足滇省省城臨安東
川各局正鑄之外已足敷搭放兵餉接濟民用其
加鑄各項亦應酌量停止得

旨允行

皇朝文獻通考卷七十八

欽定四庫全書

皇朝文獻通考卷十八

錢幣考 六

乾隆三十二年停運京局鉛劬先是貴州每年辦解京局白鉛四百三十九萬餘劬又辦解湖北漢口售供直隸等八省鼓鑄白鉛三百萬劬俱由該省之大定府等府州僱馬運至永寧交委員接收轉運至是巡撫鄂寶以大定等處現在辦理雲南

軍需馬匹該處產馬有數馱運缺乏請將應辦漢口鉛停運一年經戶部議以直隸等八省本地俱不產鉛今若停運勢必仍買商鉛恐商鉛亦辦運不前必多貽誤查京局現存白鉛尚多不如將運京鉛飭暫請停運半年以京局緩運半年之期撥抵運解漢口之數已可通融接濟從之

又貴州巡撫鄂寧言本年加運京銅定限於明年二月自瀘州開運現在牛馬缺乏請緩至明年八

月同三十三年頭運一齊開幫又稱大小各廠因
兩年辦理軍務油米炭到廠者少以致辦銅短縮
貴州等省赴滇採買自上年至今未發者共高銅
二百餘萬觔金釵廠銅一百九十餘萬觔請移咨
各省自行查核酌辦經戶部議以戶工二局現存
銅觔及本年解到並起運在途共計有一千六百
六十萬有奇與其令各省委員在滇守候不如將
該省本年加運展限並明年頭運第一起京銅截留

撥給各省通融辦理從之

又令寶直局餘銅鑄錢充餉先是寶直局鼓鑄每爐每卯應發各匠工食向照京師寶泉局之例按制錢八百三十文作銀一兩交爐頭易銀給發保定錢賤賠累不貲至是直督方觀承請以每卯銅渣銅屑加意淘汰一年計出餘銅三千餘觔約可鑄錢三百餘千文分賞爐頭補苴賠墊經部議以該省鼓鑄工價原係題明核給錢文每年報銷亦

係開造錢數且該省止設爐五座各匠同在一廠稽察易周原無須易銀給發以致輾轉虧折藉口賠墊嗣後將前項餘銅歸公搭同正款鑄錢按年造報充餉其賣獲渣土銀兩俟滿五年另行試淘如有多餘將確數奏明留局公用

臣等謹按各省鼓鑄內有節省及淘出餘銅如四川之盈餘銅鉛山西之爐底渣末貴州之秤頭銅飭俱將鑄出錢文留充公用

三十五年戶部議查滇省辦運京銅每年六百二十九萬餘觔該省鼓鑄及各省採買共需銅五百餘萬觔昨據該督彭寶以滇銅不敷請暫停採買經部議駁在案今據該撫明德奏稱雲南錢價每銀一兩易錢一千二百文市價已屬太賤向於六府設爐一百一十六座實屬過多應將東川新設爐二十五座大理廣西各十五座臨安順寧各八座暫為裁減歲可省銅一百四十五萬餘觔再

陝西廣西貴州湖北四省歲需滇銅額數均屬過多亦可酌減銅五六十萬觔加以現在廣開子廠一二年間外省委員均可挨次領運而銅觔亦可從此日加充裕應如所奏辦理至稱減爐七十一座歲省白鉛一百二十餘萬觔黑鉛十萬餘觔板錫八萬七千餘觔應運赴漢口供各省採辦之用從之

三十六年酌減貴省搭放兵餉錢文貴州寶黔局

鼓鑄錢文搭放俸餉等項例均以每兩一六搭放
本年三月內戶部議准雲貴總督彰寶言貴州安
龍鎮七營官兵俸餉錢文該處錢賤又離省遠
請停止搭放四月內又議准該撫李瀚稱移查各
營除提標古州鎮標等二十一處仍照舊搭放外
其撫標貴陽營近在省城無需運腳鎮遠等鎮三
協二營市販無多錢價易昂均請減半搭放威寧
等鎮協營十處該地方錢價平賤又遠道運回每

致虧損請全數停搭至文員俸廉及書役工食事
同一例亦一體減半搭放

又護山西巡撫朱珪言晉省鼓鑄自乾隆十四年
安爐十座十八年減去四座二十三年復添爐五
座每年鑄錢四萬九百串有奇除按月搭放兵餉
外餘錢儘平市價數年以來錢價日趨平賤民間
不必以官錢為利請酌減從前加增五爐止留原
舊六爐歲可鑄錢二萬二千餘串於兵民並無不

便而錢法仍足流通從之

又減江西寶昌局爐座先是江西省錢價昂貴於乾隆七年經撫臣陳宏謀設爐十座旋於八年復增四座共成十爐迨十五年因庫貯錢文充裕經撫臣阿思哈減去四座十七年又因庫錢減少前撫鄂昌仍添四爐共成十爐鼓鑄至是江西巡撫海明奏稱市錢價賤官錢不能銷售現在積存十萬餘串加以鑄至歲底除搭放兵餉外共應存庫

錢十三萬餘串陳積稍多更難出易請自乾隆壬辰年為始減去四座仍以六爐鼓鑄戶部議如所請行

三十七年令貴州省局存餘錢搭放兵餉戶部議查寶黔局原設爐二十座歲鑄六十九卯三十五年前撫宮兆麟以錢價平賤奏減二十三卯三十五年又據調任巡撫李湖請減爐五座仍以四十六卯分爐配鑄通計減爐鼓鑄除搭放俸餉等項

外歲尚餘錢二萬三千餘串行令易銀解司各在
案今據該撫圖思德奏稱黔省錢價平減商販無
多舖戶領錢出易從中侵蝕差吏賄串拖延種種
滋弊現在滇銅未旺局存無幾而市價又現值平
減請全提解司留為搭放兵餉之用應准其將府
存未易錢文一萬五百餘串並將來鑄出息錢均
無容出易以備搭放從之

三十八年定銅運抵津後不許開報守凍之例大

學士于敏中等奏銅運攸關鑄務例限綦嚴運員
任錫紱陳希澤黃斌等守凍與抵通或同時而行
阻互異或一運而咨報各殊且一人所運之銅或
兩地守凍其中顯有徇隱捏飾情弊奉

上諭銅運船隻既抵天津一帶距京已近銅筋非米糧
可比即屬凍河之候原可改從陸運皆因運員等
恃有守凍之例遂爾藉詞遷延嗣後銅運抵津後概
不准開報守凍如遇凍河即令其陸運進京則支吾

守凍之弊不除自絕著為例

又戶部奏准寶泉局各廠匠役工食原定每卯給制錢一千二百四十串有奇交爐頭易銀開發嗣於乾隆四年議准改給銀兩由部支領給發其時因錢價昂貴每銀一兩僅合制錢八百三十文匠役按卯計工不敷日用復經定議擇其工價稍浮者酌減七十三串淨給錢一千一百七十三串八百文改令爐頭照市價易銀開發迨至二十八

年以來錢價日就平減匠役等但知按例索銀不問錢價貴賤每年實不敷銀一萬三千三百兩有奇俱係爐頭設措添補現在錢價更屬有減無增辦理實為竭蹶自不如仍舊改給庫銀謹公同籌議酌中定價每年七十五卯計開發銀十萬二千三百兩有奇由本局出具印領令爐頭赴銀庫按季支領存貯局庫按月給發

三十九年湖南巡撫覺羅敦福言寶南局錢文積

至十七萬四千四百餘串皆因官價貴於市價無人承買局錢壅滯餘息無歸現在巴陵縣城工奏請借款莫若減價易銀取息供用經戶部議將局存錢文照原定易銀官價核給興修巴陵距省本係一水之地裝運既便即照銅鉛事例酌給運費亦屬無多一轉移間而數年壅滯錢文可銷去十分之三餘息亦無虧短之慮從之

四十年開伊犁鼓鑄局錢幕用寶伊字伊犁為準

部總匯之區乾隆二十年

王師平定遂隸版圖既有重兵駐守兼多商販貿易需用錢文較葉爾羌更為緊要上年蒙

皇上軫念新疆籌及錢源利用有

旨交伊勒圖查酌妥議旋據奏稱烏什改解之銅僅止三千觔此外尚有回部各處餘糧折納銅三千餘觔共可辨獲銅六千四百餘觔即就現獲銅數開鑄搭放於軍民兩有裨益戶部議如所請除庫車

沙雅爾派回子赴廠開挖既非餘糧折納且有衣履器具牛騾之費僅獲銅一千餘觔煩費過多無庸派辦實止得銅五千三百觔有奇歲計鑄錢九百二十餘串

臣等謹按伊犁素不產銅其各處以糧折納紅銅每觔約銀四錢九分有奇又採挖黑鉛每觔約銀四錢合計銅鉛二項每鑄錢一千約需銀三兩八錢有奇但均非動項採買至白鉛必須由西安遠

赴湖北漢鎮搭買遞運陝西轉運哈密又由驛站
遞解伊犁核計腳價所費頗重今以體質堅硬之
紅銅配以柔軟之黑鉛微加點錫輪郭肉好即可
適用因照內地常行制錢每文一錢二分重用紅
銅八分四釐黑鉛三分四釐八毫點錫一釐二毫
督匠試鑄色樣大畧相等自可無庸調運其點錫
按照紅銅五千餘觔搭配每年只須八十觔為數
無多即令西安代買遇便搭解仍令京局鑄成錢

模交該將軍照式鼓鑄

四十一年署雲貴總督覺羅圖思德等言滇省近年大小各廠歲獲銅一千二百三十萬觔除京外鼓鑄年需高銅九百餘萬觔外其寧臺戶隸金釵等廠尚積存低銅五百餘萬觔並收回一分通商一百二十餘萬觔已足敷復爐加鑄之用請於東川局增爐十五座曲靖府安爐十八座廣西州復爐十五座保山局增爐四座大理局增爐三座

省局添爐一座共五十六爐統成一百四十一爐
內東川先經加卯帶鑄之二十五爐未便再議加
卯其餘一百十六爐每年每爐於正鑄外一律加
鑄三十六卯半計可獲息十六萬四千八百兩有
奇查湯丹大碌等四廠年辦蟹殼銅五百五十餘
萬觔工費不敷每百觔加價一兩五錢大功廠係
新開費用稍省年辦蟹殼銅一百餘萬觔每百觔
加銀一兩二錢此外中小各廠共計年獲銅五百

七十餘萬觔每百觔加價一兩足敷工費統計加價共需銀十五萬三千餘兩核之所鑄餘息尚有存剩而搭放兵餉之外加搭各廠鹽井工本薪食銀兩以利民用又可無錢多價賤餘息虧短之虞從之先是湯丹等廠積欠工本銀十二萬餘兩九渡箐等新廠虧欠工本銀五萬六千餘兩部議於增給銅價內以十分之八發給廠民扣留二分以歸舊欠分作六年扣完又滇省解交京銅六百餘

萬觔由尋甸東川兩路分運瀘州其中牛馱馬載
脚價尚屬敷用唯自威寧州至鎮雄州所屬之羅
星渡計程十站山路崎嶇近年馬匹稀少俱係僱
夫背運兩夫背運一碼重一百六十觔絡脚銀二
兩往返一月食用不敷夫役每多逃匿今酌議每
銅一碼加增銀四錢八分約需加脚九千餘兩亦
請於加絡銅價內每兩扣銀五分八釐零即可如
數扣增不必另籌款項均得

旨允行

又戶部議運京銅鉛經吏部以運員開行以後定有逾限處分而開行以前遲逾向無定例伏思處分之輕重總以限期為權衡其未經開行與既經開行責任各有攸歸自應分晰酌定以昭畫一查向來運銅委員抵瀘州領兌過秤打包僱船裝運定限五十五日者原因在永寧瀘州兩地分領予限是以寬餘今既在瀘州一處領兌較便應酌減

二十日止准扣限三十五日作為開行以前之定
例至鉛運委員自永寧領兌裝運赴瀘州向來予
限三十日自瀘州至重慶予限二十日在重慶鎔
鉛按照每日鎔化二萬餘觔計算照舊每運限三箇
月又在重慶僱船開行限二十五日應請均作為
開行以前之定例合計前後限期雖分而於舊例
仍無增減嗣後運員任意逗遛以致開行逾限者
即照違限議處不准扣除定限如此則各該員自

顧考成益加迅速辦於京運實屬有裨從之
貴州巡撫裴宗錫言近年滇銅豐旺現又增給廠
價商民採挖踴躍除供京省外應有餘剩而黔省
自減爐以後不惟鑄息缺額而官錢既少市價增
昂請撥滇銅之有餘補黔局之不足將原減爐五
座復加安設在滇省每年只加撥銅十一萬一千
觔為數無多亦屬易辦戶部議如所請從之

臣等謹按寶黔局向設爐二十座年鑄四十六卯

額用滇銅四十八萬八千四百觔黔銅三萬二千
四百觔嗣因黔廠產銅甚旺續加二十三卯迨乾
隆三十五六兩年黔省錢價平賤鑄錢艱於銷售
又值銅廠漸衰滇省亦以產銅不旺減撥銅十一
萬一千觔經前撫宮兆麟李湖先後裁去二十三
卯復裁爐五座仍照四十六卯分鑄至是始補足
二十爐之數嗣於四十四年滇省產銅稍少議減
貴州省額買滇銅十分之三將該局四十六卯減

卷十八
鑄十卯

四十二年署雲貴總督圖思德言滇省局存錢文自三十九年起至四十一年十月底止僅存錢四千八百餘串自應仍照向例以三成搭放但查省局原設爐二十五座今又新添爐一座約計每年鑄獲錢文除驛站鞭祭等項及搭放三成兵餉外尚餘錢三萬二千串有奇別無需用久貯易致貫朽請自本年為始俱以銀錢對半搭放戶部議如

所請從之

臣等謹按雲南省局鑄出錢文向例用銀七錢三搭放兵餉嗣以局錢壅滯經前督吳達善等節次奏明以銀五錢五各半搭放至三十八年又因局錢積至十八萬餘串之多復經督臣彭寶奏請全數支給錢文至是仍循乾隆二十七三十等年之例各半搭給尋於四十三年督臣李侍堯又以錢價平賤兵丁暗中虧折奏請如錢價在一千二百

文以內照例搭放如在一千二百文以外悉給銀兩

四十四年雲貴總督李侍堯言滇省所籌銅數只有一百九十餘萬觔不敷各省採買謹就三迤地勢民情悉心酌核除省城東川府需錢較多未便議裁外請於大理局減去一座只留三座將省局二十五爐內減去五座移設大理共成八爐廣西局裁去四座將東川局二十爐內減去四座移設

廣西各加鑄半卯其臨安曲靖保山三局復設十三座盡數裁去以節銅觔統計滇省共存四十八爐年共需銅一百一十餘萬觔較上次節省銅七十一萬餘觔連前次餘存節減銅共獲銅二百四十萬餘觔合之各省鼓鑄實用銅數止不敷銅二十餘萬觔寧臺廠現有舊存銅觔儘可湊撥加以現在廣西子廠多開礮硿已有可望撙節籌辦自可源源接濟從之至四十五年又以各廠採銅竭

蹶且距省稍遠稽察難周將大理府所設八爐遵旨移歸省局其東川府只留十座餘六座與廣西局爐四座一併裁撤

又減廣西省爐座先是廣西省鼓鑄十六爐年用銅三十八萬三千餘觔上年以滇省近年出銅較少將廣西省年買額銅減十分之三經巡撫吳虎炳奏請減爐三座今請於四十四年夏季起再減一爐共減銅九萬五千九百餘觔除本省金雞頭廠

獲銅抵補應用外尚應買滇省高低銅二十五萬
八千觔有奇計比從前減銅十二萬五千觔有奇
其遇閏之年仍請加買至減存十二爐年止鑄錢
五萬七千六百串其爐匠工料薪水雜費概以銀
兩給發從之

臣等謹按是年湖北寶武局亦以滇銅短縮減買
十萬觔除添買漢鎮商銅五萬九百觔有奇抵補
外仍不敷年需四十萬觔之數議准於二十四卯

之中酌減三卯

四十五年戶部議查直隸等設局鼓鑄均係派委府廳州縣等官司道大員唯總理稽查即雲南東川等局亦係派委府州等官經管責成該管道員稽查獨寶雲局以臬司自為管辦耳目稍有未周弊端即難盡絕且與各省成規不能畫一應如該督所奏即以雲南府知府職司鼓鑄局務每年奏銷即由該府造冊轉報以專責成而昭畫一仍令

臬司不時詳察倘有夾帶等弊一經查出即將局員嚴叅並將總理之臬司一併勘究

四十六年戶部議查四川寶川局新舊設爐四十九座歲需本省銅一百四十萬觔嗣因該省銅觔不敷接鑄奏減新舊爐鑄十二卯今據該督文綬奏近來各廠產銅歲止七八十萬觔請再停十二卯連前共省銅六十萬觔核計近年出銅之數足供配鑄其每年應用黑鉛四十九萬八千觔以供正

鑄近年本省各廠產鉛四五十萬觔除供加卯應
用外尚餘二十餘萬觔請嗣後存積三四年核計
足敷舊爐正鑄一年之用即將黔鉛停買一年現
在局存黔鉛一百五十九萬餘觔足敷兩年鼓鑄
所有本年應買黔鉛緩至來歲秋間再行酌辦得
旨允行

四十九年四川總督李世傑奏稱欽奉

諭旨銅鉛一到川省即係該督應辦要件此項船隻著

交沈清任率屬妥辦以專責成等因沈清任止能於
所轄之重慶地方照料其自永寧至瀘州瀘州至
重慶自應一體專派大員督同地方官代為僱備
查永寧道駐劄瀘州銅鉛兩運所過地方皆其專
管應請即責令該道督同永寧縣知縣瀘州知州
按照定價代為僱辦倘有疎虞即將船戶舵水送
至所在地方官追出原領脚價枷示河干其經過
漢口儀徵兩處均應換船裝運亦應查照此例一

律辦理請

敕下湖北江蘇各巡撫嚴飭各地方道員督屬代為催辦以昭慎重戶部議如所請行

五十年戶部議寶泉局每年鼓鑄七十五卯需用黑鉛五十萬一千餘觔向係貴州湖南兩省辦解鉛四十六萬七千餘觔嗣因貴州產鉛不足於乾隆四十年暫改歸湖南代辦四十八年又以楚省產鉛漸少黔省現存鉛一百餘萬觔請自四十九

年起與湖南各半分運在案今據寶泉局監督請
每年添辦三萬二千九百五十二觔以敷每年需
用之數應令黔省於餘積鉛內自乙巳年起每年
添辦解京以供鼓鑄至稱寶泉局庫存黑鉛無餘
請於該局額運之外添辦二十五萬觔先行委員
趕運查願料庫黑鉛現存至八十九萬餘觔應即
於餘存鉛內撥給二十五萬觔以濟急需而運脚
又大可節省從之

又定各省錢局交代之例

諭據陳用敷奏黔省向例臬司經管錢局收支數目按月造報年底由藩司盤查詳報彙入藩庫實存銀數於臬司新舊交代時並不造冊移交新任亦不具結造報如接任之員查有未清即將上次盤查之藩司具奏之巡撫叅處辦理似未平允等語局庫關係錢糧自應一體交代方為詳慎嗣後各省錢局無論藩臬及道員經管者於新舊交代時俱著前任造冊移

交新任並具結造報巡撫倘有款項未清即將前任
經管之員叅處庶足以專責成而昭鄭重



皇朝文獻通考卷十八